



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

In fine operis operatio. ca. 33.

urn:nbn:de:hbz:466:1-35578

lignum vitæ, quæ autem immoderata est, conteret sp̄ritum. Et rursus, Responsio mollis frangit iram, sermo durus suscitatur furor, lingua sapientum ornat scientiam, os fatuorum ebullit stultitiâ. Quæ igitur dementia est, cum tui arbitrii sit linguam facere bonam, committere potius ut facias malam? Beatus es si cum beato Iob dicere poteris. Non inuenietis in lingua mea iniquitatem, nec in labijs meis stultitia personabit. *Iob. 6.* Beatus es, si tibi ad dominum conuerso cum Ieremia gloriari licebit, dicente, Quod egressum est de labijs meis, *Ierem. 17.* rectum in conspectu tuo fuit.

In fine operis peroratio. Ca. xxiiij.

AD finem tandem operis deo auxiliante peruentum est. Cui soli gratias agimus atque habemus confitentes eius esse beneficium, quicquid a nobis recte institutum recteque tractatum fuerit. Nihil autem non recte dicitur, quod cælestis disciplinæ veritate firmatur. Quare omnes equidem, qui ista legent, rogatos volo, ne forte incompti impolitique sermonis mei asperitate offendatur, ad ipsas duntaxat diuinæ scripturæ autoritates atque sensus animum applicent, & quod salubriter monentur, hoc etiam omni studio perficere curent, ut sanctæ religioseque viuendo vitam illam acquirant, qua melius feliciusque optari queat nihil vitam inquam illam quæ non in terra habetur, sed in cælo, incorruptibilem, immortalem, æternam, beatam, gloriosam, bonorum omnium plenissimam, & nullius participem mali, non philosophis, non oratoribus, non poetis promissam, sed in Christum credentibus diuinæ que obtemperantibus legi, hoc est, pietatem iustitiâque colentibus. Nihil itaque vobis proderit o philosophi, scite subtiliterque ratiocinari, nisi etiam innocenter integreque vixeritis. Neque vobis rethores ornate copioseque dicere vlli erit emolumento, nisi compti & exculti virtutibus incesseritis. Neque enim vobis qui in bicupiti somniastis Parnaso, in componendis poematibus Homero atque Vergilio esse pares vsui erit, nisi profliga-

Philo-
phi.
Oratores.
Poetæ.

ta vitiorum labe, morum puritatem atq; munditiam
 retinueritis. Huc igitur vota, huc studia vestra confe-
 rantur, vt si minus liceat eruditionem simul & virtu-
 tem possidere, magis optetis probitatem sine doctrina
 quam sine probitate doctrinam. Quod si fidem, spem,
 atq; charitatem sancte colueritis, beatitudinis præmia
 deo largiente capietis. Ipsi autem qui ad illa perueni-
 unt, impartitur & scientia plenior, & eloquendi ratio
 præstantior, & virtus omni ex parte perfectior, quam
 nullus vnquam mortaliū aut habuerit in terra, aut ha-
 bere possit. Vbi enim beatitudo ꝑa, ibi & omnibus ani-
 mi bonis referta possessio. Quod si Paulus ad tertiu rã-
 ptus cælum, audiuit arcana verba, quæ non licet homi-
 ni loqui, si nec oculus vidit, nec auris audiuit, nec in cor
 hominis ascendit, q̄ta præparauit suis cultoribus de-
 us, profecto ista quæ oculis cernimus, quæ auribus ex-
 cipimus, quæ mente cõplectimur, illis quæ omnem sen-
 sum superant, nullo modo valent comparari. Nihil igi-
 tur vobis ad summam felicitatem defaturum speretis,
 si non defuerit virtus. Cuius quidem leges atq; præce-
 pta in his libris satis (vt reor) abūdeq; a me relata sunt,
 non ea inquam præcepta, quæ homines qui errare pos-
 sunt, tradant, sed quæ ipse hominum angelorum-
 que conditor deus, in quo solo nullus omnino
 cadere potest error, tribuit nobis. Ip̄m ergo
 audiamus, ip̄sum sequamur, ad ipsius do-
 ctrinam, vitam moresq; cõponamus,
 si ad ip̄sum, vt summo illo indici-
 biliq; bono semper fruamur,
 volumus peruenire.

E V A N G E L I S T A R I V M
 Marci Maruli viri disertissimi, & euangelicæ
 eruditionis veri doctoris, finit.